




www.BibleForChildren.org



Génesis 6




Ēnëx ka uisai kara Noé
'iakëxa, kixun ñuikë bana
'ikën. Noé ax ka achúshi uni
upí 'iakëxa, usa 'ixun ka
Diosan kakësabiokin 'akëxa.




A uníxēshi ka raíri
unikama 'ikēsama anúan
tsóa nētēkaman Diosan
kuëenkēsabi oi tsóakēxa.
kamabi unin ka 'atima ñuira 'ati
sinánñu 'iakēxa. Usa iskin ka
Nukën 'Ibu Diosan ënë
menuxun
'aisamaira
ñu 'atima 'aia
isakēxa, ...




... usa iskin ka Noé kakëxa: Kamabi
unikama këñuti kana sinan. Atun 'ucha
kupín ka ënë menuxun 'aisamaira ñu
'atima 'aia, usa 'ain kana 'ën a
unikama 'imainun menu 'ikë
ñukama këñuti 'ain.



Usa 'ain kamina 'ati 'ain, achúshi nunti
chaiira i bëpinñuira xubu namésokin,
'atankëxun kamina anua ñukama 'iti
'ati 'ain, aín namë 'ukëmëu kamina
bëarati 'ain, ...




... 'anan kamina aín xabankäkama anun
'umpax atsintisama okin mēu 'imainun
ëman xaran bëtasti 'ain, anun 'umpax
atsintisama okin.



' Akin kamina nunti
chaiira a ësokin 'ati
'ain: ciento treinta y
cinco ka aín chaxké
'iti 'ikën,
'imainun

ka veintidós
metro 'imainun
medio aín namë
'iti 'ikën, 'imainun
ka aín manámiu trece
metro 'imainun medio
manan 'iti 'ikën.




' Anan kamina kamabi
ñu min piti ' imainun
ñuinakaman pitiribi
bitankëxun puruti ' ain,
usa ' ain ka min piti
' imainun ñuina kaman
pitiribi anu ' iti ' ikën.




' Imainun kamina nunti chaiirami ' akë anu ñuina aín
bënë achúshi ' imainun aín xanu achúshiribi kamabi
ñuina menu ' ikë ' aruti ' ain, a ñuina kamax
ka mix ' ikësaribiti tsóti ' ikën.




Kamina biti 'ain mapai achúshi 'imainun rabé aín
bënëkama 'ianan mapai achúshi 'imainun
rabé aín xanu kamabi ñuina upíbu, 'aínbi
kamina a pitima ñuina achúshi aín bënë
'imainun achúshi aín xanuishi biti 'ain.






Usa 'ain ka
Noé aín nunti
chaiira anu aín
xanu 'imainun aín
bëchikëkama
'imainun aín bëchikënën
xanukamabë, aturibia bakan
këñutima kupí 'iruakëxa.





Anua rabé
'uxë 'irukë ax
dieciete nētë 'ikëbë
ka Noé seiscientos
baritiañu 'iakëxa. A nētënbi
ka me bákikëbë parúmpapa 'ukëmëu
'ikë 'umpax chaira chikíakëxa, usai
'imainun ka naí panarabëkëbë manámi
'ikë 'umpaxribi chaira anpënkiakëxa.





Usaia 'ikëbë ka
cuarenta nētë 'imainun
cuarenta imë menu nētētimisamaira
'itanun 'uñe 'ibúakëxa.


Bakan tita 'ëkin abira abi
mapurukëbë nunti chaiira
axribi, bëspúruí nunkákëxa.




Chaiira bakan tita 'ëkin ka aín bashi chairukë abi
mapurukin me 'aíma 'itánun mapuakëxa; Kamabi ñu
menu 'ikë axa tsókë 'imainun axa uinkë ñuina,
akamaxbi këñuakëxa.



Usa 'ain ka Nukën 'Ibu Dios Noemí
sinánkëxa sinanan ka kamabi ñuina
abëa nunti chaira anu 'ikë amiribi
sinánkëxa. Sinánkin ka Diosan menu
suñu bëkinun 'imikëbë ka baka aín
'ëké sënëni kuëtsëkëni
munu kuabuakëxa.





Usakin ñuina pëchiñu
nónshiansa a xutankëx
'ibaixanxun ka amiribishi,
Noénën numakuru achúshi
me kara ěskibutia isnuxun
xuakëxa.



Usai 'itankëxa veintisiete nëtë rabë
'uxë 'ain ka, 'aimashi kiani meshi
rakátanun baka ëskibukë 'iakëxa.



Usaia 'ian ka Nukën 'Ibu Diosan Noé kakëxa: Nunti
chaiira anuax ka chikít, min xanu min bëchikë min
bëchikënën xanu a kamabëbi kamina
chikiti 'ain kixun ka kakëxa.



Usai chikítankëxun
ka Noénën anuxun
Nukën 'Ibu, rabikin
asábi ka kakin kati
maxáx maburukin
'atankëxun anuxun
ñuina upíbushi 'imainun
ñuina pëchiñu upíira,

akama achúshi achúshi
bitankëxun Nukën
'Ibu asábi ka kakin
'aímai këñutanun
xaroxuankëxa.



Ēnëx ka a
'unántiokin
achúshi ñu
mitsubëtan 'akin
manutima okin,
kamabi ñuina
kamabëtanribi

'akë 'ikën:
'ën kana nón bai naí
kuin kamanu anuaxa
mëратиokin nan, ax
ka achúshi ñu 'ën
mibëtan 'akësa
'iti 'ikën.



Usa 'ain ka
uínsaran karana
'ën kuin manámi
mëranun 'imin,
'imikëbë ka anu nón
bai mërati 'ikën. Usa 'ain
kana mitsubëtan achúshi


ñu 'akë a 'ën sinánti
'ain, 'imainun kamabi
ñuinabëtan 'akë a, usa
'ain ka amiribishi bakan
tita chaiira kamabi
ñu menua këñui
'ëtëkëntima 'ikën.




Nukën 'Ibu Diosan
ka upíokin sinánxunkin Noé
'imainun ain bëchikëkama,
ësokin kakëxa: Kamina
bëchipati mebi tsitsirui
'uákamë 'ëoti 'ain.



Ēnëx ka Noénën
bëchikëkama nunti chaiira
anuaxa chikíkë akamax ka
Sem, Cam, Jafet 'iakëxa,
Cam ax ka Canaán kakë
aín papa 'iakëxa.



Ēnēkamax ka Noénēn
bēchikē rabē 'imainun achúshi
'iakēxa, usa 'ain ka aín
rēbúnkikama kamabi menu kuani
amiribishi 'uákamē 'ëoi
mekama oi kuankēxa.



Camabi uni asérabi nuibaquin ca
Nucën Papa Diosan aín Bëchicë
achúshi ënë menu xuacëxa, uicamax
cara ami catamëtia axa
nëtëtimoí abë 'inun.



Romanos 3:23 Camabi unix ca Nucën Papa Diosan iscëx
'uchañu 'icën. Upíira 'inuan Nucën Papa Diosan unio
'aíshbi ca usama 'icën.

Romanos 6:23 Aín 'ucha cupí ca uni iétimoi bamati 'icën.
Usa 'aínbi ca axa aín 'ucha tērénun Nucën 'Ibu
Jesucristomi catamēcë unicama a abë xenibua 'aínbi
'inun Nucën Papa Diosan iëmia.

Hebreos 9:27 Ēnë nētënu 'icë camabi unix ca
achúshitishi bamati 'icën. Usa 'icë ca aín ñu 'acëcama
'unánquin Nucën Papa Diosan uicamax cara aín nētënu
abë 'iti 'icë quixun canan uicamax cara anu abë 'itima
'icë quixun cati 'icën.



Efesios 2:8,9 Nuibaquin ca asérabi cuëënquin mitsúxmi
Cristomi catamëti cupíshi mitsu ainan 'inun iémiaxa.
Mitsúnmi ñu upí 'acë cupíma ca Jesucristo bama cupíshi
Nucën Papa Diosan ax cuëënquinshi mitsu ainan 'inun
iémiaxa. An ca an ñu upí 'acë cupí ainan 'inun uni iémima.
Usa 'ain ca uinu 'icë unínbi — 'ën upí ñu 'acë cupí cana
iëa —quixun rabíquin sinántima 'icën.

Romanos 10:9,10 A bana ca ësai quia: —Jesús ca 'ën
'Ibu 'icë —quianan bamacëbi ca Nucën Papa Diosan a
baísquimiacëxa quixun min nuitunën sinania ca Nucën
Papa Diosan ainan 'inun mi iëmiti 'icën. Nun nuitu mëu,
asérabi ca nun 'ucha tërënti 'icë quixun sinani
Jesucristomi catamëtia, ca Nucën Papa Diosan nun 'ucha
tërënquin nu upí isia. Usoquin an iscëxnu —Jesucristo
ax ca asérabi 'ën 'Ibu 'icë —quia ca Nucën Papa
Diosan ainan 'inun nu iémia.



Juan 3:16,17 Camabi uni asérabi nuibaquin ca Nucën Papa Diosan aín Bëchicë achúshi ënë menu xuacëxa, uicamax cara ami catamëtia axa nètétimoi abë 'inun. Nucën Papa Diosan ca aín Bëchicë an ënë menu 'icë unicama aín 'ucha cupí 'uchonun xuáma 'icën. Ama, ënë menu 'icë unicama aín 'ucha tërénquin ainan 'inun iëminun quixun ca xuacëxa.

1 Juan 5:11-13 Nucën Papa Dios ca quiacëxa, aín Bëchicëmi catamëcë cupí cananuna an 'imicëx ainan 'aish xënibua 'áinbi abë 'iti 'ai quiax. Uinu 'icë unix cara Nucën Papa Diosan Bëchicënan 'icë, a unix ca usaribiti nètétimoi Nucën Papa Diosbë 'ia. Usa 'áinbi ca uinu 'icë unix cara aín Bëchicënanma 'icë, a unix xënibua 'áinbi Nucën Papa Diosbë 'ima. Aín Bëchicëmi catamëcë 'aish camina ainan 'aish Nucën Papa Diosbë xënibua 'áinbi 'iti 'ai quixunmi 'unánun cana ënë ñucama mitsu cuënëoxunin.



Génesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Cashibo-Cacataib Bible (cbr) © 1978, 1995, 2008, 2022
Wycliffe Bible Translators, Inc. All rights reserved.

<https://live.bible.is/bible/CBRWBT/MAT/1>

©2026 Bible for Children, Inc.

www.M1914.org

www.bibleforchildren.org

